



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Christiana Et Docta Divi Alchimi Aviti Viennensis  
Archiepiscopi, & Claudij Marij Victoris Oratoris  
Massilie[n]sis, poëmata, aliaq[ue] non poenitenda**

**Avitus, Alcimus Ecdicius  
Marius Victor, Claudius**

**Lvgdvni, 1536**

De sacro Christi corpore in Eucharistia Carmen Hendecasyllabon Diuo  
Leufredo sacrum.

**urn:nbn:de:hbz:466:1-12149**



## IOANNIS GAGNEII

Parisiini Doctoris Theologi de Sacrosancto

Christi corpore in Eucharistia, &amp; ad

illud sumendum præparatione

Carmen.

**A** Biturus vnde exierat ad Deum Patrem,  
Sed nunquam ab eius dextera abscedēs tñ

*Christus semper est ad dextera patris*

Christus, nec vltra in orbe conspicuus suis

Visendus, ante iudicij extremum diem,

Obliuio ne nos teneret ipsius

Mysterio occultum hocce *μνημόσυνον* sui

Corpus suum veneranda in Eucharistia

Voluit relictum: quod perennem gratiæ

Memoriam ab eius effluentis corpore

Suggereret, vnde chirographũ illud oblitum est

*Hoc facite in meã cõmemorationem. Luca. 22.*

Quod vniuersum hominũ genus constrinxerat,

Ut pignoris loco beatum hoc corpus, &amp;

Velut arra quædam esset futuræ gloriæ,

Non ijs qui inanem prorsus illam &amp; nesciam

Operum bonorum turgidi ostentant fidem:

Qua præter omnem industriam quidam putant

*Nõ sufficere ad salutẽ solã fidẽ sed exigi à Deo opera.*

Laborem &amp; omnem posse se saluarier.

Quasi vt ociosi ac nullius frugis bonæ

Vitam



Vitam hanc inertem viueremus, tot probra,  
 Tot flagra Christus, deniq; & diram crucem  
 Tolerarit, ac non vt feracem & fertilem  
 Operum bonorum vitam agamus & piam.

*Que crede-  
 re oportet ac  
 cedentem ad  
 Eucharistiã.*

Accedite ergo, & duplicem adferte huc fidem,  
 Dilectione, & charitate feruidam,  
 Quicumq; digne mysticum hoc conuiuium  
 Qua Christianum diligentia decet,  
 Iuxtaq; tanti dignitatem ferculi  
 Celebrare vultis. Itaq; primum id credite.

*Corpus Chri-  
 sti succedere  
 post Christi  
 uerba sub pa-  
 nis et uini spe-  
 cies.*

Post sancta Christi verba CORPVS HOC MEVM EST  
 Sub panis & vini accidentibus procul  
 Substantiis vtriusq; sublatis, sacrum  
 Latere Christi corpus vna & sanguinem,  
 Quinimo, & illum qualis in terris fuit  
 Christum integrum. Nec te quia hic nihil vides  
 Quod hominem, & ipsum pariter insinuet Deũ,  
 Fefelleris; procul à sacro hoc mysterio

*Mera fide  
 opus est in sa-  
 cramento eu-  
 charistiæ nõ  
 ratione.*

Faceat omnis ingenij humani tumor;  
 Nec syllogismis aut sophorum argutijs  
 Ratione ue vlla prorsum & euidentiã  
 Nitamur; isthic simplici mente est opus;  
 Nam christiana nullum habet meritum fides,

Humana



Humana siquam præbet euidentiam  
 Ratio: & beatos Christus illos iudicat,  
 Qui crediderunt illa quæ non viderint.  
 Quanquam infideles attrahendi gratia  
 Testatum & istud aliquot exemplis Deus  
 Voluerit, vt nil iam vel impij ambigant.  
 Namq; ipsa debent omnibus non impijs  
 Satis esse Christi verba, præualereq;  
 Ratione, & omni prorsus euidentia.  
 Ergo vt semel specularè quod nunc non vales,  
 Hic esse Christum crede quem nunc non vides.  
 Neq; id satis. Præterea oportet te vt probes  
 Et conscientiam tuam explore: dein  
 Admissa quorum non es immemor eluas,  
 Parochi in aurem cuncta deponens tui.  
 Hæc porro vbi peregeris, nil iam time,  
 Nec conscientiarum inanes scrupulos  
 Quos ille mentis carnifex tuæ obijcit:  
 Sed tutus ad mensam hanc veni, Christi fide  
 Et charitate armatus, et per hunc tibi  
 Iri remissum quidquid ante admiseras,  
 Securus esto: non quod vllis id tuis  
 Tanquam tuis operibus assecutus es

Ioan. 20.

Peccatorū ex  
 homologesis  
 & confessio  
 sacerdoti fa-  
 cienda prius  
 quam christi  
 mensam adea-  
 mus.

Cum cōfiden-  
 tia adeunda  
 Christimēsa.  
 Non sumus  
 sufficiētes co  
 Sed gitare aliqd



*à nobis quasi* Sed vnus Christi meraca gratia.

*ex nobis.* Nam gloriari quopiam ex bono caue

*2. Corin. 3.*

*Quid habes*

*quod nō acce-*

*pisti si autem*

*accepisti quid*

*gloriaris qua*

*si nō accepe-*

*ris. 1. Cori. 4.*

Quasi non ab illo acceperis: quin si sapiſ

Omnem mage illi gratiā acceptam refer

A quo & fides, & quidquid in nobis boni eſt.

F I N I S.

## HENDECASSYLLABON

Diuo Leufredo ſacrū per Ioannē Gagneiū

Parifinum Theologum.

**A** Deſto huc animo fideli, & almo  
 Leufredo pia vota nuncupato,  
 Humano auxilio vſq; deſtitutus,  
 Quæ te cumq; habet ægritudo prorfum.  
 Reddi ſiue oculos rogas ademptos,  
 Aut ſuum pedibus redire greſſum,  
 Aut linguæ officium ſuum reuertī,  
 Munuſq; auribus illud audiendi  
 Seu fanaticus, ac leui cerebro es,  
 Seu delirus & inquietus, illuc  
 Quo Demon tulerit vagaris atq; huc,  
 Et quiſquis ſemel indigūſ medellæ  
 Corporis ſimul & dolore mentis  
 Affectus male habes, & vſq; peius,

Adeſto



Adesto huc animo fideli, & almo  
 Leufredo pia vota nuncupato.  
 En turbę male habentis, & relictae  
 Quot examina pristinae videmus  
 Et menti semel atq; sanitati  
 Leufredi merito esse restituta:  
 Quamquam ex innumeris, & ijs vetustis,  
 Tantum haec pauca tibi apparare visum est.  
 Quod si facta iuuant recentiora  
 Nec gestis adhibes fidem vetustis,  
 Hic dies age pauculos, beati  
 Leufredi ad tumulum & statim videbis  
 Quam non sim tibi vanus, atq; mendax:  
 Quin maiora etiam videbis: ergo  
 Despondere animum caueto, si qua  
 Usquam te premit aegritudo, sed mox  
 Adesto huc animo fideli, & almo  
 Leufredo pia vota nuncupato.

EXCVDEBANT LVGDVNI MELCHIOR  
 ET GASPAR TRECHSEL FRATRES

1 5 3 6